

Gvangjsih Minzcuz Bau

ganhhau: CN45-0036 B.2018 Nd.3 Ng.7 liggaueq fouhswt nienz ndwencieng ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3314期

Cingsih Si Heiqcuengh 《Gij Gyaез Daxmeh》 Ndaeј Ciengjaennyenz Vwnzyi Cauhsij Guengjsae 靖西市壮剧《母爱》荣获广西文艺创作铜鼓奖

Mboengqneix, gij cozbini ndaeј ciengј ciengjaennyenz vwnzyi cauhsij Guengjsae gaiq daihbet goengbough, Cingsih heiq gvangjbo Heiqcuengh 《Gij Gyaез Daxmeh》 gwnz buengј miz mingz.

Cingsih heiq gvangjbo Heiqcuengh 《Gij Gyaез Daxmeh》 youz Guengjsae Yinzminz Gvangjbo Den-daiz caeuq Cingsih Gvangjbo Densidaiz lienzhab loegguh, Aen Duenz Yisuz Minzsuz Seizhoengq Cuenghbuek Cingsih Si yienjboq, bough heiq neix youq bi 2017 ndwen 3 ngoenz 29 daengz ngoenz 30 youq

Guengjsae Yinzminz Gvangjbo Den-daiz cunghab gvangjbo caeuq Cingsih Si Gvangjbo Densidaiz doengzbough boq ok le, gyoengq vunzlai aen si neix nem Dwzbauj, Nazboh, Denhdwngј daengј dieg henzguck gig haenhndei, lij ndaeј daengz lingјdauј Swcigih Dangјveij Senhconzbu haenh dem, nyinhnaeuz bough heiq neix loegguh ndaeј ndei, ndeidingq hawј vunz gamјdoengh dwg bough cingbinј Heiqcuengh noix raen he.

Heiqcuengh 《Gij Gyaез Daxmeh》 biuјyienh ok daxmeh yungh sim caeuq lwed cienz vwnzmingz,

dawz gij gyaез daxmeh gyaranz swng daengz gij cingsaenz gauhsang gyaез ndawbiengz, yienh'ok gij yinxdaeuz daezcaiz minzcuz doengzseiz hix yienh'ok sevei cuјyi hwzsinh gyaciz-gvanh. Daengx bough heiq gvangjbo Heiqcuengh 《Gij Gyaез Daxmeh》 yungh Vahcuengh yienjboq, yungh feihvuzciz vwnzva yizcanј "Heiqcuengh baihnamz" "diuh moedlaenz" "betyaem Cingsih" daengј hingzsik biuјyienh, doed ok gij daegsaek minzcuz.

(Hoz Byauh)

SIUSIK DINJ 简讯

● Ndwen 2 ngoenz 28, Ningzmingz Yen cuјciz cwng-fazvej, senhconzbu, gungh-anhgiz daengј 30 lai aen danhvei, youq yienhsingz haiguh aen hozdung senhconz fugsah hwnј-guh bingzanh, yienngq gyoengq vunzlai haiguh baet ndaem cawz yak cienhangh doxhoenx, gimq doeg yiemzdwk cingјceih cienhangh hengzdoengh, hong fanј dwglau caeuq henhoh ndawbiengz onјdingh daengј senhconz gyauyuz hozdung, muzdiz dwg caenh'itbough hawј vunzlai ndaeј lai rox caeuq lai camgya gak hangh hong hwnјguh bingzanh, ndaeј hawј vunzlai lai ancienz caeuq lai habhoz.

(Cauh Yizganh)

● Mboengqneix, Denzyangz Yen Suiјgoјban haiguh gohgi roengz mbanј hozdung, vih vunzlai gungzhoј gak yanghcin hwnгfat dajndaem dajciengx cienz ging soengq bauј. Doeng-gvaq banh dangzgoq lijлun, soengq swhliu caeuq yienј saedguh daengј fuengsik, bang ranzgunzhoј hag gij dinfwngz dajndaem dajciengx miz yungh engq lai, daezsang gij bonјsaeh gag vut gungz.

(Maj Nizya Vangz Siuli)

● Ndwen 2 ngoenz 28, Sihlinz Yen banh aen vanјvei nangq bangfuz nduknaeuh caeuq cozfungh vwndiz cienhangh cingјceih caeuq senhconz vwnzyi. Vanјvei yienhcieingz, gij fwen gagcauh, suiјbinј, diuqfoux minzcuz daengј cezmuз yungh fanј nduknaeuh hemqheuh lenzcwnг guh cawјdaeз haenx doxlwnz hwnј daiz yienјok, caemhcaiқ cap haeuј mizgven cihsiz ciengјdap nangq bangfuz nduknaeuh vwndiz dem.

(Vangz Yenginз)

● Geij bi neix daeuј, Yungzuiј Myauzcuz Swciyen cunghaen vatcimh caeuq leih-yungh gij swhyenz ngoenzciет conzdungј minzcuz hwnгfat lijyouz, yinx ndaeј hauјlai boughhek ndaw guek rog guek daeuј yawјngonz gingjsaek. Ciuq cam rox, bineix seiz ndwencieng daengx yienh ciepdaih boughhek ndaw guek rog guek 35.09 fanh vunzbaez, doengzbeij gyalai 17.83%; lijyouz cungsouhaeuј 1.67 ik maenz, doengzbeij gyalai 10.77%.

(Veiz Dingјbyauh)

Yungzsuiј: Bae Hoihbo Muengh Fungsou



融水:

赶坡会 祈丰收

Ndwen 3 ngoenz 3, Mbanјmyauз Yanghfwnј Yangh Yungzsuiј Myauzcuz Swciyen banh conzdungј ndwencieng cibroek "hoihbo Guјlungz", baenz fanh bough vunzmbanј caeuq bough-hek doxcomz giz ndeu, haiguh biuјyienј fouх saecej, aenvenz beij yienngј aenvenz caiјdangz, max doxdik daengј minzsuz hozdung, maq-muengh fwn yinz rumz swnh, haeuxgwn fungsou. Ndaw doz dwg gyoengq vunzlai cingq yawјngonz max doxdik.

(Lungz Linzci/龙林智)

Binhyangz Yen Vunzlai Gak Cuz Angqgvaq Cietlungzbauq 宾阳县各族群众欢度炮龙节

Ndwen 2 ngoenz 26, cietlungzbauq Binhyangz bi gvaq baeз haenx youq yienhsingz lungzbauq vwnzva gvangјcangz hainduј, geijcib fanh beksingq caeuq boughhek youq ndaw sing bauqreng h caq lungzbauq gouz-fuk, roxnyinh gij vwnzva lungzbauq Binhyangz naekgywg.

Ciuq cam rox, cietlungzbauq Binhyangz ndaeј haenh baenz "ciet-guengzangq baihdoeng", dwg ngoenzciет conzdungј gig miz minzcuz daegsaek Binhyangz he, ngoenzciет neix gig nauhyied, youqgaenј, daengx guek noix miz, daengz seizneix gaenq miz 1000 lai bi lizsiј. Daj bi 2007 gaiq daeuz cietlungzbauq Binhyangz

bak duз lungz fouх Binhcough hozdung banh baenz doxdaeuј, hozdung banh ndaeј bi ndei gvaq bi, rengzyingјyangј cugyamq gya'gvangq, yinx ndaeј hauјlai boughhek ndaw guek rog guek daeuј camgya. Bi 2008, cietlungzbauq Binhyangz ndaeј senјhaeuј buек daihngieh guekgya gaep feihvuzciz vwnzva yizcanј mingzloeg, caemhcaiқ ndaeј bingzbaenz "ngoenzciет feihvuzciz vwnzva yizcanј ceiq ndei Cungguek", dwg ngoenzciет ndawbiengz minzcuz gyonјgyoeb gij vwnzva Boughgun, Boughcuengh ranghdieg Binhyangz Yen dox yungzhab gap baenz, baugvat youz caiјgya, daeng-hoih, fouх lungzbauq daengј hozdung.

Ciuq cam rox, vih gvanceз doek-saed gij cingsaenz Cibgoј Daih dangј, mbouјduenh doicaenh Binhyangz Yen vwnzva hoenghvuengh hwnгfat, cunghaen langhbaiј gij vwnzva minzsuz ndawbiengz maenhndei Binhyangz, langhbaiј gij cingsaenz buекguh, mbeilaux, roengzrengz baenaj, souјsaenq beksingq Binhyangz, caenh'itbough daezswng gij binјbaiz vwnzva lungzbauq Binhyangz, dawз cietlungzbauq Binhyangz bak duз lungz fouх Binhcough hozdung banh baenz gij hoihhoengh huzndei vunzlai gak cuz daengx yienh caeuq boughhek gak dieg caez angqhoh caez angqgvaq haenx. (Yangz Beifangh)